

Alþingi
Erindi nr. P 136/1311
komudagur 19.3 2009

Alaráðuneytið
-6. feb. 2009
Tilv:MMR 09022519
Db. 6.20.2

Reykjavík 3.febrúar 2009

Ágæti ráðherra, Katrín Jakobsdóttir

Erindi: Að vekja athygli ráðherra á þeim fjölda félagsráðgjafa sem starfar við grunn- og framhaldsskóla landsins án þess að njóta þegar áunninnar lögverndunar en starfar undir merkjum náms- og starfsráðgjafa.

Rétt þykir að vekja athygli ráðherra á greinargerð sem forvera hennar í starfi þorgerði Katrínu Gunnarsdóttur var send 4. nóvember 2005 af Stéttarfélagi íslenskra félagsráðgjafa og bar yfirskriftina: *Félagsráðgjöf – hluti af faglegri þjónustu á öllum skólastigum.*

Í kjölfarið eða 11. janúar 2006 áttu þeir sem sömdu greinargerðina fund með ráðherra og aðstoðarfólki hennar um efni greinargerðarinnar með megináherslu á að félagsráðgjafar sem þegar starfa við skólana geri það undir lögverndun eða sem félagsráðgjafar og njóti fagþekkingar sinnar sem er lögvernduð hjá heilbrigðisráðuneyti. Fram að þessu hafa þeir verið ráðnir í stöður náms – og starfsráðgjafa, sem sagt ekki undir sínu rétta fagheiti.

Árið 2004 var stofnuðu fagdeild innan Stéttarfélags íslenskra félagsráðgjafa sem nú ber heitið Félagsráðgjafafélag Íslands og fagdeildin heitir: Fagdeild fræðslu – og skólafélagsráðgjafa, skammstafað FFS og dregur nafn sitt af sérfræðiréttindum sem heilbrigðisráðuneytir veitir. Núverandi formaður er Guðrún H. Sederholm og aðrir í stjórn eru Björk Erlendsdóttir og Hjördís Árnadóttir. Félagsmenn eru 36 og af þeim starfar á annan tug við grunn – og framhaldsskóla landsins.

Þegar lögum um leik - grunn – og framhaldsskóla var breytt nú síðast samdi Guðrún H.Sederholm umsagnir um frumvörpin og einnig álitsgjafir fyrir hönd FFS og sat fyrir svörum hjá menntamálanefnd. Rétt er að geta þess að Guðrún H. Sederholm var ráðin af


Svavari Gestssyni menntamálaráðherra 1999 – 1991 til þessa að þróa námsráðgjöf í grunnskólum landsins sem þá var ekki til. Eftir það voru ráðnir námsráðgjafar að nokkrum grunnskólum landsins í 50% stöður.

Árið 1997 var Guðrún H. Sederholm tilnefndur formaður nefndar sem Björn Bjarnason menntamálaráðherra skipaði og hafði það meginviðfangsefni að efla náms – og starfsráðgjöf á öllum skólastigum. Nefndin skilaði skýrslu um málið 1998.

Af þessu má sjá að félagsráðgjafar hafa verið í forystu um þróun náms – og starfsráðgjafar í skólum landsins og rétt að geta þess að frá stofnun Æfingadeildar þáverandi Kennaraháskóla Íslands hefur alltaf starfað félagsráðgjafi og er svo enn.

Það er því von okkar að núverandi menntamálaráðherra komi á þeirri skipan mála að tryggt sé að félagsráðgjafar starfi við skóla landsins og séu hluti af faglegri þjónustu í skólunum og njóti lögverndunar sinna til starfans. Þessu til glöggvunar eru fyrrnefndar álitsgjafir en þar koma helstu áhersluatriði félagsráðgjafa fram varðandi faglega vinnu í skólum landsins. Áhersla skal lögð á að FFS lítur svo á að námsráðgjöf sé nauðsynleg þegar kemur að námi en félagsráðgjöf sé nauðsynleg þegar kemur að persónulegri einstaklingsráðgjöf í erfiðum málum nemenda og til að tryggja barnavernd sem er einmitt megináhersluatriði nýrra og áðurnefndra laga.

Virðingarfyllst



Guðrún H. Sederholm, formaður FFS



FÉLAG NÁMS- &
STARFSRÁÐGJAFNA

Alþingi
Erindi nr. P 136/1530
komudagur 11.2.2009

Reykjavík 9. febrúar 2009

Menntamálanefnd Alþingis

Austurstræti 8-10

101 Reykjavík

Erindi þessa bréfs er að óska eftir því að menntamálanefnd Alþingis vinni að því að leggja fram frumvarp um lög um lögverndun á starfsheiti náms- og starfsráðgjafa.

Með því að lögvernda starfsheiti náms- og starfsráðgjafa eru um leið tryggð ákveðin gæði þjónustunnar við neytendur. Með lögverndun hefur aðeins sá sem menntað hefur sig til starfsins rétt til að nota starfsheitið. Þar með veit sá sem leitar til náms- og starfsráðgjafa að sá sem þjónustuna veitir hefur þá fagþekkingu sem þarf til að aðstoða hann. Það er ótvíræður hagur neytenda að sú þjónusta sem þeim býðst sé sambærileg hvar sem er á landinu, hvort sem átt er við grunn- og framhaldsskóla, fámenna eða fjölmenna skóla, háskóla eða atvinnulíf.

f. h. Félags náms- og starfsráðgjafa

Ágústa E. Ingþórsdóttir, formaður

Fylgiskjal 1: Helstu rök sem styðja lögverndun starfsheitis náms- og starfsráðgjafa



09.02.09

Helstu rök sem styðja lögverndun starfsheitis náms- og starfsráðgjafa:

Félag náms- og starfsráðgjafa (FNS) var stofnað 1981 og er faglegur vettvangur fyrir náms- og starfsráðgjafa á Íslandi. Félagar eru um 300 talsins og starfa ýmist í menntakerfinu eða á símenntunarstöðvum, vinnumiðlunum og fræðslustöðvum atvinnulífsins svo dæmi séu tekin.

Við heildarendurskoðun lögverndunarlaga sem fór fram á haustþingi 2007 óskaði FNS eftir því við nefnd um endurskoðun á lögverndun á starfsheitum og starfsréttindum innan menntakerfisins að hún tæki tillit til þeirra raka sem mæla með lögverndun á starfsheiti fagstéttar náms- og starfsráðgjafa. FNS hefur áður óskað eftir því við menntamálanefnd Alþingis að hún legði drög að því að málið fengi samþykki Alþingis.

Helstu rök sem styðja lögverndun starfsheitis náms- og starfsráðgjafa:

- Náms- og starfsráðgjöf hefur fest sig í sessi í menntakerfinu frá því að stefnumótun hófst á vegum menntamálaráðuneytisins árið 1989 og nám í námsráðgjöf hófst árið 1991 við félagsvísindadeild Háskóla Íslands. Fagleg þekking og vinnubrögð liggja að baki náms- og starfsráðgjöf og starfsheitið náms- og starfsráðgjafi vísar til þess að sá hinn sami veitir faglega ráðgjöf á grundvelli sértækrar menntunar sinnar.
- Í námsskrám grunn- og framhaldsskóla er kveðið á um þjónustu í námsráðgjöf sbr. IX. kafla grunnskólalaga frá 2008 um sérfræðipjónustu og reglugerð nr. 5/2001 gr. 9 um starfslið framhaldsskóla er kveðið á um menntun þess er veitir náms- og starfsráðgjöf sem er í samræmi við menntunarframboð við t.d. Háskóla Íslands.
- Í lögum um vinnumarkaðsaðgerðir nr. 55/2006 17. grein er nefnt að eitt af verkefnum svæðisvinnumiðlana er að veita upplýsingar og ráðgjöf um starfsval og starfsmenntun. Einnig er nefnt að atvinnulausir skulu eiga kost á ráðgjöf og úrræðum, svo sem námi og starfsþjálfun. Hér er kallað á faglega þekkingu sem að náms- og starfsráðgjafi getur einn veitt.

- Gefnar hafa verið út siðareglur náms- og starfsráðgjafa sem unnar voru af Félagi náms- og starfsráðgjafa í samstarfi við Siðfræðistofnun Háskóla Íslands.
- Með lögverndun starfsheitis náms- og starfsráðgjafa er verið að tryggja ákveðin gæði þjónustu, sinna hagsmunum ráðþega og að mikilvæg sér- og fagþekking skili sér inn í menntakerfið, út á vinnumarkaðinn og til almennings. Sá sem leitar aðstoðar náms- og starfsráðgjafa getur verið viss um að sá sem þjónustuna veitir hafi tilskylda menntun og fagþekkingu. Hér er fyrst og fremst verið að hugsa um heill nemenda og þeirra er njóta þjónustu náms- og starfsráðgjafa jafnframt því að tryggja fagleg vinnubrögð fagstéttarinnar.
- Náms- og starfsráðgjafar og fagið sjálft getur stuðlað að öflugri tengingu milli skóla og atvinnulífs.
- Með lögverndun á starfsheiti náms- og starfsráðgjafa er verið að leggja lóð á vogarskálarnar til eflingar náms- og starfsráðgjafar á Íslandi.

Annað:

Mikil þróun á sér stað í náms- og starfsráðgjöf hér á landi til dæmis í námi í náms- og starfsráðgjöf. Við félagsvísindadeild Háskóla Íslands hefur verið boðið upp á meistaranám í náms- og starfsráðgjöf frá árinu 2004. Þetta er mikið framfaraskref þar sem að meistaranámið mun auka enn fremur fagþekkingu náms- og starfsráðgjafa auk þess sem rannsóknir munu stórukast á fagsviðinu.

Efla þarf náms- og starfsráðgjöf á öllum skólastigum, auka vægi náms- og starfsfræðslu og tryggja aðgengi að náms- og starfsráðgjöf í samfélaginu. Efling náms- og starfsráðgjafar felur m.a. í sér eflingu fagstéttarinnar og er lögverndun á starfsheiti náms- og starfsráðgjafa eitt skref í því. Annað skref er að lögfesta starfshlutfall náms- og starfsráðgjafa með tilliti til nemendafjölda. Staðreyndin í dag er sú að allt of margir nemendur eru að baki 100% stöðugildi náms- og starfsráðgjafa í menntakerfinu sem gerir það að verkum að ekki er hægt að sinna nægilega þörfum nemenda hvað varðar náms- og starfsráðgjöf, náms- og starfsfræðslu, náms- og starfsval og persónulega ráðgjöf.

Efla þarf aðgengi almennings að náms- og starfsráðgjöf sérstaklega í ljósi sí- og endurmenntunar og fullorðinsfræðslu. Náms- og starfsráðgjafar sjá mikil tækifæri í því að aðgengi að náms- og starfsráðgjöf verði eflt – að hún leiði til framfara fyrir einstaklinga og samfélagið í heild.

Horfa verður á náms- og starfsráðgjöf sem heild – frá skóla til atvinnulífs, frá æsku til fullorðinsára.



Félag náms- og starfsráðgjafa
Kennarahúsinu v/ Laufásveg
101 Reykjavík

Nefndasvið Alþingis
Menntamálanefnd
Austurstræti 8-10
150 Reykjavík

Reykjavík 17. mars 2009

Umsögn um frumvarp til laga um náms- og starfsráðgjafa. Lagt fyrir Alþingi á 136. löggjafarþingi 2008-2009.

Félag náms- og starfsráðgjafa (FNS) óskar eftir að koma eftirfarandi á framfæri við menntamálanefnd Alþingis:

Almennar athugasemdir

Félag náms- og starfsráðgjafa fagnar frumvarpi til laga um náms- og starfsráðgjafa enda hefur lögverndun á starfsheiti náms- og starfsráðgjafa verið eitt mikilvægasta baráttumál fagstéttarinnar og félagsins í meira en áratug. FNS styður eindregið framlagt frumvarp og telur það fela í sér staðfestan vilja stjórnvalda og yfirvalda menntamála til að efla náms- og starfsráðgjöf. Með frumvarpinu er verið að tryggja að mikilvæg sér- og fagþekking skili sér inni í skólakerfið og atvinnulífið, fagþekking sem tryggir ákveðin gæði þjónustu og að hagsmunir ráðþega séu í fyrirrúmi.

Athugasemdir við einstakar greinar frumvarpsins

1. gr.

Frá árinu 1991 hefur nám í náms- og starfsráðgjöf staðið til boða við Háskóla Íslands, fyrst sem eins árs diplómanám að lokinni grunnháskólagráðu. Frá árinu 2004 hefur verið boðið



uppá meistaragráðu í greininni og til stendur að breyta náminu í tveggja ára heildstætt meistaranám. Gert er ráð fyrir að taka upp nýtt skipulag haustið 2010.

Í ljósi þróunar á menntun náms- og starfsráðgjafa á Íslandi lítur FNS svo á að leyfi skv. 1. mgr. 1. gr. skuli annars vegar veita umsækjanda sem lokið hefur eins árs diplómagráðu í náms- og starfsráðgjöf (skv. eldra námsskipulagi) og hins vegar umsækjanda sem lokið hefur meistaranámi í náms- og starfsráðgjöf (tveggja ára heildstæðu meistaranámi skv. nýju námsskipulagi).

2. gr.

FNS lýsir sig reiðubúið að veita umsagnir um umsóknir um leyfi til að kalla sig náms- og starfsráðgjafa í samráði við stjórnvöld og samstarfsnefnd um háskólastigið.

3. gr.

FNS leggur áherslu á mikilvægi þess að þeir sem hafa viðurkennd réttindi innan EES eða í aðildarríki EFTA hafi sambærilega menntun að baki eins og kveðið er á um í 2. mgr. 1. gr. og leitað sé álits matsnefndar áður en leyfi er veitt.

4. gr.

FNS leggur til að þeir sem ekki uppfylla skilyrði 2. mgr. 1. gr. verði veitt tímabundið leyfi til að kalla sig náms- og starfsráðgjafa. Mikilvægt er að þeir sem sinna náms- og starfsráðgjöf hafi tilskylda menntun til að tryggja að mikilvæg sér- og fagþekking skili sér inn í skólakerfið og atvinnulífið, fagþekking sem tryggir ákveðin gæði þjónustu og að hagsmunir ráðþega séu í fyrirrúmi.

f. h. Félags náms- og starfsráðgjafa

Agústa Elín Ingbórsdóttir
Agústa Elín Ingbórsdóttir, formaður



Námsnefnd í MA námi í náms- og starfsráðgjöf
Félags- og mannvísindadeild - Gimli
Háskóla Íslands
101 Reykjavík

Nefndasvið Alþingis
Menntamálanefnd
Austurstræti 8-10
150 Reykjavík

Umsögn um frumvarp til laga um náms- og starfsráðgjafa, 422. mál. Lagt fyrir Alþingi á 136. löggjafarþingi 2009.

Reykjavík, 18. mars 2009

Námsnefnd í MA námi í náms- og starfsráðgjöf við félags- og mannvísindadeild Háskóla Íslands óskar eftir að koma eftirfarandi á framfæri við menntamálanefnd Alþingis.

Almennar athugasemdir

Námsnefnd í náms- og starfsráðgjöf fagnar framlögðu frumvarpi og telur að það sé löngu tímabært að afgreidd séu lög sem tryggja ráðþegum faglega þjónustu á sviði náms- og starfsráðgjafa og um leið fái náms- og starfsráðgjafar sérfræðipækkingu sína viðurkennda, líkt og gert hefur verið á öðrum sérfræðisviðum (s.s. kennarar; félagsráðgjafar; sálfræðingar; viðskiptafræðingar; og bókasafnsfræðingar). Það er sérstaklega mikilvægt að lögvernda starsheiti náms- og starfsráðgjafa sem starfa náið með börnum og fullorðnum og veita ráðgjöf sem getur haft mikil áhrif á lífsgæði fólks. Það er ábyrgðarhlutur að leiðbeina fólki um menntakerfið og vinnumarkaðinn og það kallar á að hvergi sé gefið eftir í faglegum og siðlegum vinnubrögðum. Það er best gert með því að tryggja að þeir sem sinna náms- og starfsráðgjöf hafi tilskilda menntun og fagþekkingu og það sé þeim sem þiggja þjónustuna ljóst að svo sé.

Athugasemdir við einstakar greinar frumvarpsins

1. grein

Í fyrstu grein kemur fram hver skilyrði um menntun eru til að geta fengið leyfi til að kalla sig náms- og starfsráðgjafa. Eins og fram kemur í greinargerð hefur nám í náms- og starfsráðgjöf staðið til boða við Háskóla Íslands síðan 1991, fyrst sem eins árs diplómagráða að loknu BA eða B.Ed námi í skyldum greinum (s.s. kennslu, félagsvísindum og kennsluréttindanámi). Frá árinu 2004 hefur verið boðið uppá meistaragráðu í greininni og hafa starfandi náms- og starfsráðgjafar sótt mjög í að bæta við sig seinna ári til MA gráðu. Til stendur að breyta náminu í heildstætt tveggja ára meistaranám í samræmi við Bolognaferlið og til að bæta fagþekkingu stéttarinnar og þjónustu á vettvangi.

Heildarendurskoðun á náminu er langt komin og er gert ráð fyrir að taka upp nýtt skipulag haustið 2010. Við endurskoðunina hefur verið litið til þess sem best gerist erlendis í menntun náms- og starfsráðgjafa, þörf fyrir náms- og starfsráðgjöf í íslensku menntakerfi og á vinnumarkaði og leitað álits þeirra aðila sem að náms- og starfsráðgjöf koma. Löggilding starfsheitis náms- og starfsráðgjafa nú helst því vel í hendur við eflingu námsins og aukna fagþekkingu sem skilar sér í bættri þjónustu sem er í takt við meginmarkmið laganna.

2. grein

Námsbrautin er reiðubúin að veita umsagnir um umsóknir um leyfi til að kalla sig náms- og starfsráðgjafa í samráði við stjórnvöld og Félag náms og starfsráðgjafa. Við gerum ráð fyrir að sömu eða svipuð vinnubrögð verði viðhöfð og hjá skyldum stéttum (s.s. félagsráðgjöfum og sálfræðingum).

3. grein

Námsnefndin leggur áherslu á að mikilvægt sé að þeir sem hafa viðurkennd réttindi frá EES eða EFTA ríki hafi sambærilega menntun að baki eins og kveðið er á um í 2. mgr. 1. gr. og leitað sé álits matsnefndar áður en leyfi er veitt.

4. grein


Námsnefndin leggur til að að þeir sem ekki uppfylla skilyrði 1. mgr. 1. gr. verði veitt tímabundið leyfi til að kalla sig náms- og starfsráðgjafa. Það er mikilvægt að þeir sem sinna náms- og starfsráðgjöf hafi tilskilda menntun til að tryggja ráðgjöf byggða á faglegri þekkingu.

6. grein

Við viljum einnig taka sérstaklega undir það sem kemur fram í 6. grein að náms- og starfsráðgjafa beri að þekkja skyldur sínar samkvæmt lögum og viðhalda þekkingu sinni. Félag náms og starfsráðgjafa hefur hugað vel að endurmenntun sinna félagsmanna og hefur það í samvinnu við námsbraut í náms- og starfsráðgjöf fengið hingað reglulega erlenda fræðimenn, fólk úr skóla- og atvinnulífi og þá sem sinnt hafa stefnumótun t.d. í Evrópu. Endurmenntun fagmenntaðra náms- og starfsráðgjafa er mjög brýn og er mikilvægur þáttur í faglegri þjónustu. Í frumvarpinu er þetta undirstrikað og tökum við heilshugar undir það.

Námsnefnd í náms- og starfsráðgjöf styður eindregið framlagt frumvarp.

f.h. Námsnefndar í náms- og starfsráðgjöf



Sif Einarsdóttir, dósent og formaður námsnefndar

Alþingi
Erindi nr. P 136/1488
komudagur 26. 3. 2009



Heimili og skóli
Landssamtök foreldra

Nefndasvið Alþingis
Menntamálanefnd
Austurstræti 8-10
150 Reykjavík

Reykjavík 24. mars 2009

Umögn um frumvarp til laga um náms- og starfsráðgjöf. Lagt fyrir Alþingi á 136. löggjafarþingi 2008-2009.

Heimili og skóli – landssamtök foreldra óska eftir að koma eftirfarandi á framfæri:

Heimili og skóli fagna frumvarpi til laga um náms- og starfsráðgjöf. Með frumvarpinu er lagt til að ákvæði um náms- og starfsráðgjöf verði tekin upp í löggjöf um grunnskóla og framhaldsskóla. Með þeim hætti er tryggt að einungis þeir sem uppfylla lagaskilyrði eigi kost á að sinna náms- og starfsráðgjöf í grunn- og framhaldsskólum landsins. Með þessari breytingu er verið að tryggja ákveðin gæði þjónustu, sinna hagsmunum þeirra sem þjónustuna þiggja og tryggja að sér- og fagþekking skili sér inn í menntakerfið. Landssamtökin fagna því að sá sem leitar aðstoðar náms- og starfsráðgjafa geti í skjóli lögverndunar verið þess fullviss að sá sem þjónustuna veitir hafi tilskilda menntun og fagþekkingu. Með lögvernduninni er unnið að hag nemend og þeirra er njóta þjónustu náms- og starfsráðgjafa jafnframt því að tryggja fagleg vinnubrögð stéttarinnar.

F.h. Heimilis og skóla – landssamtaka foreldra

Björk Einisdóttir, framkvæmdastjóri
Sjöfn Þórðardóttir, formaður

Leikn samtök fullorðinsfræðsluaðila á Íslandi
Skólavegi 1
230 Reykjanesbæ

Nefndasvið Alþingis
Menntamálanefnd
Austurstræti 8-10
150 Reykjavík

Reykjanesbæ 25. mars 2009

Umsögn um frumvarp til laga um náms- og starfsráðgjafa. Lagt fyrir Alþingi á 136. löggjafarþingi 2008-2009.

Leikn samtök fullorðinsfræðsluaðila á Íslandi óskar eftir að koma eftirfarandi á framfæri við menntamálanefnd Alþingis:

Almennar athugasemdir


Leikn fagnar frumvarpi til laga um náms- og starfsráðgjafa. Leikn styður eindregið framlagt frumvarp og telur það fela í sér staðfestan vilja stjórnvalda og yfirvalda menntamála til að efla náms- og starfsráðgjöf. Með frumvarpinu er verið að tryggja að mikilvæg sér- og fagþekking skili sér inni í skólakerfið og atvinnulífið, fagþekking sem tryggir ákveðin gæði þjónustu og að hagsmunir ráðþega séu í fyrirrúmi.

Athugasemdir við einstakar greinar frumvarpsins

1. gr.

Menntun náms- og starfsráðgjafa hefur verið að þróast undanfarin ár á Íslandi. Í ljósi þróunar á menntun náms- og starfsráðgjafa á Íslandi lítur Leikn svo á að leyfi skv. 1. mgr. 1. gr. skuli annars vegar veita umsækjanda sem lokið hefur eins árs diplómagraðu í náms- og starfsráðgjöf (skv. eldra námsskipulagi) og hins vegar umsækjanda sem lokið hefur meistaranámi í náms- og starfsráðgjöf (tveggja ára heildstæðu meistaranámi skv. nýju námsskipulagi HÍ).

f. h. Leiknar



Guðjónína Sæmundsdóttir, formaður

Náms- og starfsráðgjöf Háskóla Íslands
Háskólatorgi v/ Sæmundargötu
Háskóla Íslands
101 Reykjavík

Alþingi
Erindi nr. P 136/1296
komudagur 18.3.2009

Nefndasvið Alþingis
Menntamálanefnd
Austurstræti 8-10
150 Reykjavík

Reykjavík, 18. mars 2009

Efni: Umsögn um frumvarp til laga um náms- og starfsráðgjafa, 422. mál. Lagt fram á 136. löggjafarþingi 2008-2009.

Náms- og starfsráðgjöf Háskóla Íslands (NSHÍ) vill koma eftirfarandi athugasemdum á framfæri við menntamálanefnd Alþingis:

Almennt álit:

NSHÍ fagnar frumvarpi til laga um lögverndun starfsheitis náms- og starfsráðgjafa þar sem markmiðið er að bæta þjónustu við nemendur og almenning hvað varðar náms- og starfsráðgjöf á Íslandi.

NSHÍ er fjölmennasti vinnustaður náms- og starfsráðgjafa hérlandis og hefur það meginhlutverk að veita nemendum Háskóla Íslands náms- og starfsráðgjöf og styðja þá í að ná árangri og velliðan í námi og starfi. NSHÍ hefur í áratugi verið í fararbroddi í þróun fagþjónustu á sviði náms- og starfsráðgjafar og hefur byggt upp mikilvæga sérþekkingu og fagkunnáttu sem er miðlað til verðandi náms- og starfsráðgjafa með þjálfun og kennslu. NSHÍ hefur um langt árabil verið aðalþjálfunarstaður nemenda í náms- og starfsráðgjöf við Félagsvísindasvið Háskóla Íslands. Meginmarkmið starfsþjálfunar er að tengja fræðilegt nám við þjónustuna á vettvangi ásamt því að móta sterka fagímynd og starfsvitund verðandi náms- og starfsráðgjafa.

Félag náms- og starfsráðgjafa (FNS), hefur starfað frá árinu 1981 og hefur átt mikinn þátt í að efla og viðhalda fagmennsku og færni fagstéttarinnar með sí- og endurmenntun. Gott og náið samstarf er á milli NSHÍ, FNS og náms í náms- og starfsráðgjöf við Háskóla Íslands.

Með stofnun námsins á sínum tíma, 1991 og síðar meistaranáms í náms- og starfsráðgjöf 2004 var styrkari stoðum rennt undir rannsóknir á þessu sviði.

Starfsmenn NSHÍ, sem hafa byggt upp verklega þjálfun fyrir nema í náms- og starfsráðgjöf, telja að lög um náms- og starfsráðgjafa séu mjög mikilvæg fyrir hagsmunum þeirra sem þjónustunnar njóta. Lögverndun starfsheitis náms- og starfsráðgjafa tryggir að þeir einir sem hafa tilskilda menntun sinni þjónustunni og uppbyggingu hennar. Auk þess að tryggja gæði eru stjórnvöld og yfirvöld menntamála að viðurkenna nauðsyn þess að efla náms- og starfsráðgjöf á Íslandi.

Hægt er að fullyrða að það sé mikill ávinningur fyrir íslenskt samfélag að eiga fagstétt sem býr yfir viðtækri þekkingu á menntakerfi og atvinnulífi ásamt fræðilegri þekkingu á starfsþróun og starfsferli einstaklinga. Fagþekking náms- og starfsráðgjafa nær einnig yfir ferli ákvörðunartöku út frá persónulegri sýn, áhugasviðum og gildum einstaklingsins. Ráðgjöfin felst m.a. í því að byggja brú á milli einstaklingsins, skólakerfisins og atvinnulífsins. Mikilvægt er að líta til þeirrar ábyrgðar sem felst í því að náms- og starfsráðgjafar vinna með einstaklingum, börnum og fullorðnum, sem eru að taka ákvarðanir er varðar framtíð þeirra, menntun og starfsvettvang.

Skilvirk náms- og starfsráðgjöf þarf að höfða til allra þjóðfélagsþegna, hvar sem þeir eru á vegi staddir í starfsþróun sinni og í leit að námi og starfi við hæfi. Þessi þjónusta á við á öllum tímum, ekki síst þegar að erfiðleikar steðja að t.d. í atvinnu- og efnahagsmálum. Náms- og starfsráðgjafar hafa lengi kallað eftir ítarlegri stefnumótun stjórnvalda og vilja hvetja alla hlutaðeigandi til að ná sátt um þetta mikilvæga frumvarp.

Athugasemdir við einstaka greinar lagafrumvarps um náms- og starfsráðgjafa

2. grein

NSHÍ telur nauðsynlegt að matsnefnd verði skipuð til að fjalla um umsóknir um leyfi til að nota starfsheitið náms- og starfsráðgjafi og hún viðhafi svipuð vinnubrögð og hjá skyldum fagstéttum (félagsráðgjafar, sálfræðingar og kennarar).


3. grein

NSHÍ telur mjög mikilvægt að sambærileiki sé til staðar í menntun þeirra sem starfa sem náms- og starfsráðgjafar á Íslandi. NSHÍ telur að ekki aðeins þurfi vottorð um viðurkennd réttindi í ríki innan EES eða í aðildarríki EFTA heldur þarf að vera um sambærilega menntun að ræða og liggur að baki leyfisveitingu á Íslandi eins og segir í 2. málsgrein 1. greinar.

4. grein

NSHÍ leggur ríka áherslu á að þeir sem sækja um leyfi til menntamálaráðherra til að kalla sig náms- og starfsráðgjafa uppfylli skilyrði 2. mgr. 1 greinar. Ef viðkomandi uppfyllir ekki þessi skilyrði er hægt að veita tímabundið leyfi þar til menntunarkröfum er fullnægt. Hér gegnir matsnefndin veigamiklu hlutverki þar sem leita þarf umsagnar hennar. Menntunarkröfur tryggja að náms- og starfsráðgjöf sé byggð á faglegri þekkingu.

f.h. Náms- og starfsráðgjafar Háskóla Íslands


Arnfríður Ólafsdóttir, deildarstjóri